

大般若理趣分

JAP<sup>af</sup>



Daittenryō zōkyō bun

Hannya haramiichi takyō

kyōto

1685.

no 578.

traduit en l'ordre impérial

par Hsüan Tseng Sam Tsang

(jap. gen zō Sanzō)

des Tang.


livre canonique bouddhique

JAP. P342











BIBLIOTHÈQUE  
DES LANGUES  
ORIENTALES

ÉCOLE DES  
LANGUES  
ORIENTALES





十六神王名

神王之名及呪並出  
陀羅尼集經第三

提頭賴吒神王

禁毗嚩神王

跋折嚩神王

迦毗嚩神王

呌闍嚩神王

鈍徒毗神王

阿你嚩神王

娑你嚩神王

印陀嚩神王

婆姨嚩神王

摩休嚩神王

鳩毗嚩神王

眞陀嚩神王

跋吒徒嚩神王

毗迦嚩神王

俱鞞嚩神王

呌莫者切  
闍犬規切  
與闍同

鞞部迷切

十六神王呪



那<sup>ナ</sup>謨<sup>モ</sup>喝<sup>ア</sup>囉<sup>ラ</sup>怛<sup>タ</sup>那<sup>ナ</sup> 跢<sup>タ</sup>囉<sup>ラ</sup>夜<sup>ヤ</sup>耶<sup>ヤ</sup>一<sup>一</sup>跢<sup>タ</sup>姪<sup>シ</sup>他<sup>タ</sup>二<sup>二</sup>訶<sup>カ</sup>

訶<sup>カ</sup>三<sup>三</sup>醯<sup>ケ</sup>醯<sup>ケ</sup>四<sup>四</sup>呼<sup>コ</sup>呼<sup>コ</sup>五<sup>五</sup>戲<sup>ケ</sup>利<sup>リ</sup>戲<sup>ケ</sup>利<sup>リ</sup>六<sup>六</sup>彌<sup>ミ</sup>利<sup>リ</sup>彌<sup>ミ</sup>利<sup>リ</sup>

七<sup>七</sup>杜<sup>ド</sup>銘<sup>マイ</sup>徒<sup>ド</sup>杜<sup>ド</sup>咩<sup>ミヤ</sup>八<sup>八</sup>鞞<sup>バイ</sup>伽<sup>キヤ</sup>婆<sup>バ</sup>呬<sup>キ</sup>尼<sup>ニ</sup>九<sup>九</sup>毗<sup>ビ</sup>摩<sup>マ</sup>囉<sup>ラ</sup>婆<sup>バ</sup>

呬<sup>キ</sup>尼<sup>ニ</sup>十<sup>十</sup>底<sup>チ</sup>哩<sup>リ</sup>寧<sup>ナイ</sup>底<sup>チ</sup>哩<sup>リ</sup>一<sup>一</sup>般<sup>ハン</sup>囉<sup>ラ</sup>底<sup>チ</sup>羯<sup>ケ</sup>爛<sup>ラン</sup>陀<sup>ダ</sup>二<sup>二</sup>鞞<sup>バイ</sup>

多<sup>タ</sup>持<sup>ヂ</sup>質<sup>シツ</sup>怛<sup>タ</sup>囉<sup>ラ</sup>雞<sup>ケイ</sup>都<sup>ト</sup>三<sup>三</sup>般<sup>ハン</sup>囉<sup>ラ</sup>婆<sup>バ</sup>薩<sup>サ</sup>婆<sup>バ</sup>囉<sup>ラ</sup>十<sup>十</sup>懼<sup>ク</sup>醯<sup>ケ</sup>

囉<sup>ラ</sup>五<sup>五</sup>乾<sup>ケン</sup>陀<sup>ダ</sup>囉<sup>ラ</sup>六<sup>六</sup>旃<sup>セン</sup>荼<sup>ダ</sup>囉<sup>ラ</sup>七<sup>七</sup>車<sup>シャ</sup>闍<sup>シャ</sup>尼<sup>ニ</sup>八<sup>八</sup>懼<sup>ク</sup>囉<sup>ラ</sup>遮<sup>シャ</sup>

利<sup>リ</sup>尼<sup>ニ</sup>九<sup>九</sup>旃<sup>セン</sup>荼<sup>ダ</sup>毗<sup>ビ</sup>伽<sup>キヤ</sup>陀<sup>ダ</sup>婆<sup>バ</sup>醯<sup>ケ</sup>尼<sup>ニ</sup>十<sup>十</sup>梅<sup>マイ</sup>怛<sup>タ</sup>囉<sup>ラ</sup>榆<sup>ユ</sup>一<sup>一</sup>

莎<sup>ソ</sup>訶<sup>カ</sup>二<sup>二</sup>摩<sup>モ</sup>囉<sup>ラ</sup>檀<sup>ダン</sup>持<sup>ヂ</sup>囉<sup>ラ</sup>婆<sup>バ</sup>迦<sup>キヤ</sup>耶<sup>ヤ</sup>三<sup>三</sup>莎<sup>ソ</sup>訶<sup>カ</sup>四<sup>四</sup>摩<sup>モ</sup>登<sup>ト</sup>



伽俱羅朋奢耶五莎訶六底哩商羯曳七莎

訶八悉陀曳九莎訶十那謨嚧瑟吒寫一摩

登伽囉闍寫二悉殿都三曼怛囉跋陀四莎

訶五

大般若波羅蜜多經卷第五百七十八

大唐三藏法師 玄奘奉 詔譯

第十般若理趣分

如是我聞。一時薄伽梵。妙善成就。一切如來。



希玉篇許衣  
切篇海虛宜  
切望也

金剛住持平等性智種種希有殊勝功德已  
能善獲一切如來灌頂寶冠超過三界已能  
善得一切如來徧金剛智大觀自在已得圓  
滿一切如來決定諸法大妙智印已善圓證  
一切如來畢竟空寂平等性印於諸能作所  
作事業皆得善巧成辦無餘一切有情種種  
希願隨其無罪皆能滿足已善安住三世平  
等常無斷盡廣大徧照身語心性猶若金剛



摩尼正云末  
尼。卽珠之總  
名也。此云離  
垢

映於敬切明  
也。篇海曰。於  
命切音應明  
相照也

八十。一本作  
八千

等諸如來無動無壞。是薄伽梵住欲界頂。他  
化自在天王宮中。一切如來常所遊處。咸共  
稱美。大寶藏殿。其殿無價末尼所成。種種珍  
奇。間雜嚴飾。衆色交映。放大光明。寶鐸金鈴  
處處懸列。微風吹動。出和雅音。綺蓋繒幡花  
幢綵拂。寶珠瓔珞。半滿月等。種種雜飾。而用  
莊嚴。賢聖天仙之所愛樂。與八十億大菩薩  
俱。一切皆具。陀羅尼門。三摩地門。無礙妙辯。



如<sup>キ</sup>是等類無量功德設<sup>セ</sup>經多劫讚<sup>サン</sup>不能盡其  
名曰金剛手菩薩摩訶薩觀自在菩薩摩訶  
薩虛空藏菩薩摩訶薩金剛拳菩薩摩訶薩  
妙吉祥菩薩摩訶薩大空藏菩薩摩訶薩發  
心卽轉法輪菩薩摩訶薩摧伏一切魔怨菩  
薩摩訶薩如是上首有八百萬大菩薩衆前  
後圍繞宣<sup>ウチ</sup>說<sup>セツ</sup>正法初中後善文義巧妙純一  
圓滿清白梵行



金剛手菩薩

趣玄應音義  
曰通尸亦反  
三蒼通悅也  
謂稱適也廣  
雅適善也謂  
事物善好稱  
人心也  
猗玄應音義

爾時世尊為諸菩薩說一切法甚深微妙般  
若理趣清淨法門此門即是菩薩句義云何  
名為菩薩句義謂極妙樂清淨句義是菩薩  
句義諸見永寂清淨句義是菩薩句義微妙  
通悅清淨句義是菩薩句義渴愛永息清淨  
句義是菩薩句義胎藏超越清淨句義是菩  
薩句義衆德莊嚴清淨句義是菩薩句義意  
極猗適清淨句義是菩薩句義得大光明清



日。一奇反。美也。小補。日。於宜。切。美也。長也。加也。華嚴疏。日。荷。即輕安也。

淨句義是菩薩句義身善安樂清淨句義是  
菩薩句義語善安樂清淨句義是菩薩句義  
意善安樂清淨句義是菩薩句義色蘊空寂  
清淨句義是菩薩句義受想行識蘊空寂清  
淨句義是菩薩句義眼處空寂清淨句義是  
菩薩句義耳鼻舌身意處空寂清淨句義是  
菩薩句義色處空寂清淨句義是菩薩句義  
聲香味觸法處空寂清淨句義是菩薩句義



眼界空寂。清淨句義是菩薩。句義耳鼻舌身  
意界空寂。清淨句義是菩薩。句義色界空寂  
清淨句義是菩薩。句義聲香味觸法界空寂  
清淨句義是菩薩。句義眼識界空寂。清淨句  
義是菩薩。句義耳鼻舌身意識界空寂。清淨  
句義是菩薩。句義眼觸空寂。清淨句義是菩  
薩。句義耳鼻舌身意觸空寂。清淨句義是菩  
薩。句義眼觸爲緣所生諸受空寂。清淨句義



是菩薩句義耳鼻舌身意觸爲緣所生諸受  
空寂清淨句義是菩薩句義地界空寂清淨  
句義是菩薩句義水火風空識界空寂清淨  
句義是菩薩句義苦聖諦空寂清淨句義是  
菩薩句義集滅道聖諦空寂清淨句義是菩  
薩句義因緣空寂清淨句義是菩薩句義等  
無閒緣所緣緣增上緣空寂清淨句義是菩  
薩句義無明空寂清淨句義是菩薩句義行



識名色。六處觸受。愛取有生老死。空寂清淨。  
句義是菩薩。句義布施波羅蜜多。空寂清淨。  
句義是菩薩。句義淨戒安忍精進靜慮般若。  
波羅蜜多。空寂清淨。句義是菩薩。句義真如。  
空寂清淨。句義是菩薩。句義法界法性。不虛。  
妄性。不變異性。平等性。離生性。法定。法住。實。  
際。虛空界。不思議界。空寂清淨。句義是菩薩。  
句義四靜慮。空寂清淨。句義是菩薩。句義四。



無量。四無色定。空寂。清淨。句義是菩薩。句義  
四念住。空寂。清淨。句義是菩薩。句義。四正斷  
四神足。五根。五力。七等覺。支。八聖道。支。空寂。  
清淨。句義是菩薩。句義。空解脫門。空寂。清淨。  
句義是菩薩。句義。無相。無願。解脫門。空寂。清  
淨。句義是菩薩。句義。八解脫。空寂。清淨。句義  
是菩薩。句義。八勝處。九次第定。十徧處。空寂。  
清淨。句義是菩薩。句義。極喜地。空寂。清淨。句



義是菩薩句義離垢地。發光地。焰慧地。極難  
勝地。現前地。遠行地。不動地。善慧地。法雲地。  
空寂清淨句義是菩薩句義淨觀地。空寂清  
淨句義是菩薩句義種性地。第八地。具見地。  
薄地。離欲地。已辨地。獨覺地。菩薩地。如來地。  
空寂清淨句義是菩薩句義一切陀羅尼門。  
空寂清淨句義是菩薩句義一切三摩地門。  
空寂清淨句義是菩薩句義五眼。空寂清淨。



句義是菩薩句義六神通空寂清淨句義是  
菩薩句義如來十力空寂清淨句義是菩薩  
句義四無所畏四無礙解大慈大悲大喜大  
捨十八佛不共法空寂清淨句義是菩薩句  
義三十二相空寂清淨句義是菩薩句義八  
十隨好空寂清淨句義是菩薩句義無忘失  
法空寂清淨句義是菩薩句義恒住捨性空  
寂清淨句義是菩薩句義一切智空寂清淨



真生玄應音  
義曰舊譯云  
婆羅必利他  
伽闍那此言  
小兒別生以  
癡如小兒不  
同聖生也正  
言婆羅必栗  
託化那婆羅  
此云愚必栗  
託此云異託  
那此云生應  
言愚異生以  
愚癡闇冥無  
有智慧但起  
我見不生無

句義是菩薩句義道相智一切相智空寂清  
淨句義是菩薩句義一切菩薩摩訶薩行空  
寂清淨句義是菩薩句義諸佛無上正等菩  
提空寂清淨句義是菩薩句義一切異生法  
空寂清淨句義是菩薩句義一切預流一來  
不還阿羅漢獨覺菩薩如來法空寂清淨句  
義是菩薩句義一切善非善法空寂清淨句  
義是菩薩句義一切有記無記法有漏無漏



漏故亦名嬰  
愚凡夫凡夫  
者義譯也。乞  
魚乞反。楞嚴  
長水疏曰。凡  
夫造業不同  
感果差別名  
為異生。

法有爲無爲法。世閒出世閒法。空寂清淨。句  
義是菩薩。句義所以者何。以一切法。自性空。  
故。自性遠離。由遠離故。自性寂靜。由寂靜故。  
自性清淨。由清淨故。甚深般若波羅蜜多。最  
勝清淨。如是般若波羅蜜多。當知卽是菩薩。  
句義。諸菩薩衆。皆應修學。佛說如是菩薩。句  
義般若理趣清淨法。已告金剛手菩薩等言。  
若有得聞此一切法。甚深微妙般若理趣清



淨法門。深信受者。乃至當坐。妙菩提座。一切障蓋。皆不能染。謂煩惱障。業障。報障。雖多。積集。而不能染。雖造種種極重惡業。而易消滅。不墮惡趣。若能受持。日日讀誦。精勤無間。如理思惟。彼於此生。定得一切法平等性。金剛等持。於一切法。皆得自在。恆受一切勝妙喜樂。當經十六大菩薩生。定得如來軌金剛性。疾證無上正等菩提。



爾時世尊復依徧照如來之相。爲諸菩薩宣  
說般若波羅蜜多。一切如來寂靜法性甚深  
理趣現等覺門。謂金剛平等性現等覺門。以  
大菩提堅實難壞如金剛故。義平等性現等  
覺門。以大菩提其義一故。法平等性現等覺  
門。以大菩提自性淨故。一切法平等性現等  
覺門。以大菩提於一切法無分別故。佛說如  
是寂靜法性般若理趣現等覺已。告金剛手



釋迦如來

中論青目釋  
曰。戲論名。憶  
念取相。分別  
此彼。

菩薩等言。若有得聞。如是四種般若理趣。現  
等覺門。信解受持。讀誦修習。乃至當坐。妙菩  
提座。雖造一切極重惡業。而能超越一切惡  
趣。疾證無上正等菩提。

爾時世尊復依調伏一切惡法。釋迦牟尼如  
來之相。爲諸菩薩宣說般若波羅蜜多攝受  
一切法平等性甚深理趣。曾勝法門。謂貪欲  
性。無戲論故。嗔恚性。亦無戲論。嗔恚性。無戲



猶預。楚辭註曰。猶。犬子也。人將犬行。犬好預在人前。待人不得。又來迎候。故謂不決曰猶預。前漢書註師

古曰。猶獸名也。爾雅曰。猶如麂。善登木。此獸性多疑。慮常居山中。忽聞有聲。即恐有人且來。害之。每預上

論故。愚癡性。亦無戲論。愚癡性。無戲論。故。猶預性。亦無戲論。猶預性。無戲論。故。諸見性。亦無戲論。諸見性。無戲論。故。憍慢性。亦無戲論。憍慢性。無戲論。故。諸纏性。亦無戲論。諸纏性。無戲論。故。煩惱垢性。亦無戲論。煩惱垢性。無戲論。故。諸惡業性。亦無戲論。諸惡業性。無戲論。故。諸果報性。亦無戲論。諸果報性。無戲論。故。雜染法性。亦無戲論。雜染法性。無戲論。故。



樹久之無人  
然後敢下須  
更又上如此  
非一故不決  
者稱猶預焉

清淨法性亦無戲論。清淨法性無戲論故。一  
切法性亦無戲論。一切法性無戲論故。當知  
般若波羅蜜多亦無戲論。佛說如是。調伏衆  
惡般若理趣。譬勝法已。告金剛手菩薩等言。  
若有得聞如是般若波羅蜜多甚深理趣。信  
解受持。讀誦修習。假使殺害二界所攝一切  
有情。而不由斯墮於地獄。傷生鬼界。以能調  
伏一切煩惱。及隨煩惱惡業等故。常生善趣。



觀自在菩薩

受勝妙樂修諸菩薩摩訶薩行疾證無上正等菩提。

爾時世尊復依性淨如來之相爲諸菩薩宣說般若波羅蜜多一切法平等性觀自在妙智印甚深理趣清淨法門謂一切貪欲本性清淨極照明故能令世間嗔恚清淨一切嗔恚本性清淨極照明故能令世間愚癡清淨一切愚癡本性清淨極照明故能令世間疑



惑清淨一切疑惑本性清淨極照明故能令  
世間見趣清淨一切見趣本性清淨極照明  
故能令世間憍慢清淨一切憍慢本性清淨  
極照明故能令世間纏結清淨一切纏結本  
性清淨極照明故能令世間垢穢清淨一切  
垢穢本性清淨極照明故能令世間惡法清  
淨一切惡法本性清淨極照明故能令世間  
生歿清淨一切生歿本性清淨極照明故能



令世間諸法清淨以一切法本性清淨極照  
明故能令世間有情清淨一切有情本性清  
淨極照明故能令世間一切智清淨以一切  
智本性清淨極照明故能令世間甚深般若  
波羅蜜多最勝清淨佛說如是平等智印般  
若理趣清淨法已告金剛手菩薩等言若有  
得聞如是般若波羅蜜多清淨理趣信解受  
持讀誦修習雖住一切貪瞋癡等客塵煩惱



什曰。心本清淨。無有塵垢。塵垢事會而生於心。爲客塵也。

虛空藏菩薩

垢穢聚中。而猶蓮華。不爲一切客塵垢穢過失所染。常能修習菩薩勝行。疾證無上正等菩提。

爾時世尊復依一切三界勝王如來之相。爲諸菩薩宣說般若波羅蜜多。一切如來和合灌頂甚深理趣智藏法門。謂以世間灌頂位施。當得三界法王位果。以出世間無上義施。當得一切希願滿足。以出世間無上法施。於



一切法當得自在。若以世閒財食等施，當得一切身語心樂。若以種種財法等施，能令布施波羅蜜多速得圓滿。受持種種清淨禁戒，能令淨戒波羅蜜多速得圓滿。於一切事修學安忍，能令安忍波羅蜜多速得圓滿。於一切時修習精進，能令精進波羅蜜多速得圓滿。於一切境修行靜慮，能令靜慮波羅蜜多速得圓滿。於一切法常修妙慧，能令般若波



羅蜜多速得圓滿佛說如是灌頂法門般若  
理趣智藏法已告金剛手菩薩等言若有得  
聞如是灌頂甚深理趣智藏法門信解受持  
讀誦修習速能滿足諸菩薩行疾證無上正  
等菩提

爾時世尊復依一切如來智印持一切佛祕  
密法門如來之相爲諸菩薩宣說般若波羅  
蜜多一切如來住持智印甚深理趣金剛法



門。謂具攝受。一切如來金剛身印。當證一切  
如來法身。若具攝受。一切如來金剛語印。於  
一切法。當得自在。若具攝受。一切如來金剛  
心印。於一切定。當得自在。若具攝受。一切如  
來金剛智印。能得最上妙身語心。猶若金剛  
無動無壞。佛說如是如來智印。般若理趣金  
剛法已。告金剛手菩薩等言。若有得聞如是  
智印。甚深理趣金剛法門。信解受持。讀誦修



習一切事業皆能成辦常與一切勝事和合  
所欲修行一切勝智諸勝福業皆速圓滿當  
獲最勝淨身語心猶若金剛不可破壞疾證  
無上正等菩提。

爾時世尊復依一切無戲論法如來之相為  
諸菩薩宣說般若波羅蜜多甚深理趣輪字  
法門謂一切法空無自性故一切法無相離  
衆相故一切法無願無所願故一切法遠離



華嚴疏曰。喻  
伽九十五有  
六種戲論故  
名為諸同鈔  
曰。一顛倒。二  
唐捐。三諍競。

無所著故。一切法寂靜。永寂滅故。一切法無  
常。性常無故。一切法無樂。非可樂故。一切法  
無我。不自在故。一切法無淨。離淨相故。一切  
法不可得。推尋其性。不可得故。一切法不思  
議。思議其性。無所有故。一切法無所有。衆緣  
和合。假施設故。一切法無戲論。本性空寂。離  
言說故。一切法本性淨。甚深般若波羅蜜多。  
本性淨故。佛說如是。離諸戲論。般若理趣。輪



四於他分別  
勝劣五分  
分別  
工巧養命六  
耽著世間財  
食戲論

轉法輪菩薩

字法已告金剛手菩薩等言若有得聞此無  
戲論般若理趣輪字法門信解受持讀誦修  
習於一切法得無礙智疾證無上正等菩提  
爾時世尊復依一切如來輪攝如來之相爲  
諸菩薩宣說般若波羅蜜多入廣大輪甚深  
理趣平等性門謂入金剛平等性能入一切  
如來性輪故入義平等性能入一切菩薩性  
輪故入法平等性能入一切法性輪故入蘊



平等性能入一切蘊性輪故。入處平等性能入一切處性輪故。入界平等性能入一切界性輪故。入諦平等性能入一切諦性輪故。入緣起平等性能入一切緣起性輪故。入寶平等性能入一切寶性輪故。入食平等性能入一切食性輪故。入善法平等性能入一切善法性輪故。入非善法平等性能入一切非善法性輪故。入有記法平等性能入一切有記法性輪故。入無記法平等性能入一切無記法性輪故。



法性輪故。入無記。法平等性能。入一切無記。  
法性輪故。入有漏。法平等性能。入一切有漏。  
法性輪故。入無漏。法平等性能。入一切無漏。  
法性輪故。入有爲。法平等性能。入一切有爲。  
法性輪故。入無爲。法平等性能。入一切無爲。  
法性輪故。入世間。法平等性能。入一切世間。  
法性輪故。入出世間。法平等性能。入一切出世間。  
法性輪故。入異生。法平等性能。入一切異生。



異生法性輪故。入聲聞法。平等性能。入一切  
聲聞法。性輪故。入獨覺法。平等性能。入一切  
獨覺法。性輪故。入菩薩法。平等性能。入一切  
菩薩法。性輪故。入如來法。平等性能。入一切  
如來法。性輪故。入有情。平等性能。入一切有  
情。性輪故。入一切。平等性能。入一切。性輪故。  
佛說如是。入廣大輪般若理趣。平等性。已告。  
金剛手菩薩等言。若有得聞如是輪性。甚深。



理趣平等性門。信解受持。讀誦修習。能善悟入。諸平等性疾。證無上正等菩提。

爾時世尊復依一切廣受供養真淨器田。如來之相。爲諸菩薩宣說般若波羅蜜多。一切供養甚深理趣無上法門。謂發無上正等覺心。於諸如來廣設供養攝護正法。於諸如來廣設供養修行一切波羅蜜多。於諸如來廣設供養修行一切菩提分法。於諸如來廣設



陀羅尼。此云  
總持。肇曰。總  
持。謂持善不  
失。持惡不生。  
無所漏忘。謂  
之持。又曰。經  
云。有五百總  
持。亦云無量。

總持也。  
等持。玄應音  
義曰。三昧。或  
言三摩提。或  
云三摩帝。皆  
謫也。正言三  
摩地。此云等  
持。等者正也。

供養修行一切總持等持於諸如來廣設供  
養修行一切五眼六通於諸如來廣設供養  
修行一切靜慮解脫於諸如來廣設供養修  
行一切慈悲喜捨於諸如來廣設供養修行  
一切佛不共法於諸如來廣設供養觀一切  
法若常若無常皆不可得於諸如來廣設供  
養觀一切法若樂若苦皆不可得於諸如來  
廣設供養觀一切法若我若無我皆不可得



正持心也。持謂持諸功德也。或云正定謂住緣一境離諸邪亂也。名義集曰。離沈掉曰等。心住一境性。

曰持。

於諸如來廣設供養觀一切法若淨若不淨  
皆不可得於諸如來廣設供養觀一切法若  
空若不空皆不可得於諸如來廣設供養觀  
一切法若有相若無相皆不可得於諸如來  
廣設供養觀一切法若有願若無願皆不可  
得於諸如來廣設供養觀一切法若遠離若  
不遠離皆不可得於諸如來廣設供養觀一  
切法若寂靜若不寂靜皆不可得於諸如來



速能。能一本  
作得。

摧伏一切魔  
怨菩薩

廣設供養。於深般若波羅蜜多書寫聽聞。受  
持讀誦。思惟修習。廣爲有情宣說流布。或自  
供養。或轉施他。於諸如來廣設供養。佛說如  
是真淨供養。甚深理趣無上法。已告金剛手  
菩薩等言。若有得聞。如是供養般若理趣無  
上法門。信解受持。讀誦修習。速能圓滿諸菩  
薩行。疾證無上正等菩提。  
爾時世尊復依一切能善調伏如來之相爲



諸菩薩宜說般若波羅蜜多。攝受智蜜調伏  
有情甚深理趣智藏法門。謂一切有情平等  
性。卽忿平等性。一切有情調伏性。卽忿調伏  
性。一切有情眞法性。卽忿眞法性。一切有情  
眞如性。卽忿眞如性。一切有情法界性。卽忿  
法界性。一切有情離生性。卽忿離生性。一切  
有情實際性。卽忿實際性。一切有情本空性。  
卽忿本空性。一切有情無相性。卽忿無相性。



一切有情無願性。卽忿無願性。一切有情遠離性。卽忿遠離性。一切有情寂靜性。卽忿寂靜性。一切有情不可得性。卽忿不可得性。一切有情無所有性。卽忿無所有性。一切有情難思議性。卽忿難思議性。一切有情無戲論性。卽忿無戲論性。一切有情如金剛性。卽忿如金剛性。所以者何。一切有情真調伏性。卽是無上正等菩提。亦是般若波羅蜜多。亦是



建立如來謂  
普賢菩薩也

諸佛一切智智。佛說如是能善調伏甚深理。  
趣智藏法已。告金剛手菩薩等言。若有得聞。  
如是調伏般若理趣智藏法門。信解受持讀。  
誦修習。能自調伏忿恚等過。亦能調伏一切。  
有情常生善趣。受諸妙樂。現世怨敵皆起慈。  
心。能善修行。諸菩薩行。疾證無上正等菩提。  
爾時世尊復依一切能善建立性平等法如。  
來之相。爲諸菩薩宣說般若波羅蜜多。一切。



法性甚深。理趣最勝。法門。謂一切有情。性平等。故。甚深。般若波羅蜜多。亦性平等。一切法性平等。故。甚深。般若波羅蜜多。亦性平等。一切有情。性調伏。故。甚深。般若波羅蜜多。亦性調伏。一切法。性調伏。故。甚深。般若波羅蜜多。亦性調伏。一切有情。有實義。故。甚深。般若波羅蜜多。亦有實義。一切法。有實義。故。甚深。般若波羅蜜多。亦有實義。一切有情。即真如。故。



甚深般若波羅蜜多。亦卽真如。一切法卽真  
如故。甚深般若波羅蜜多。亦卽真如。一切有  
情卽法界故。甚深般若波羅蜜多。亦卽法界  
一切法卽法界故。甚深般若波羅蜜多。亦卽  
法界。一切有情卽法性故。甚深般若波羅蜜  
多。亦卽法性。一切法卽法性故。甚深般若波  
羅蜜多。亦卽法性。一切有情卽實際故。甚深  
般若波羅蜜多。亦卽實際。一切法卽實際故。



甚深般若波羅蜜多。亦卽實際。一切有情卽  
本空故。甚深般若波羅蜜多。亦卽本空。一切  
法卽本空故。甚深般若波羅蜜多。亦卽本空。  
一切有情卽無相故。甚深般若波羅蜜多。亦  
卽無相。一切法卽無相故。甚深般若波羅蜜  
多。亦卽無相。一切有情卽無願故。甚深般若  
波羅蜜多。亦卽無願。一切法卽無願故。甚深  
般若波羅蜜多。亦卽無願。一切有情卽遠離



故甚深般若波羅蜜多亦卽遠離一切法卽  
遠離故甚深般若波羅蜜多亦卽遠離一切  
有情卽寂靜故甚深般若波羅蜜多亦卽寂  
靜一切法卽寂靜故甚深般若波羅蜜多亦  
卽寂靜一切有情不可得故甚深般若波羅  
蜜多亦不可得一切法不可得故甚深般若  
波羅蜜多亦不可得一切有情無所有故甚  
深般若波羅蜜多亦無所有一切法無所有



故甚深般若波羅蜜多亦無所有。一切有情  
不思議故甚深般若波羅蜜多亦不思議。一  
切法不思議故甚深般若波羅蜜多亦不思  
議。一切有情無戲論故甚深般若波羅蜜多  
亦無戲論。一切法無戲論故甚深般若波羅  
蜜多亦無戲論。一切有情無邊際故甚深般  
若波羅蜜多亦無邊際。一切法無邊際故甚  
深般若波羅蜜多亦無邊際。一切有情有業



用故。當知般若波羅蜜多。亦有業用。一切法  
有業用故。當知般若波羅蜜多。亦有業用。佛  
說如是。性平等性。甚深理趣。最勝法已。告金  
剛手菩薩等言。若有得聞如是平等般若理  
趣。最勝法門。信解受持。讀誦修習。則能通達  
平等法性。甚深般若波羅蜜多。於諸有情。心  
無罣礙。疾證無上正等菩提。

爾時世尊復依一切住持藏法如來之相。爲



諸菩薩宜說般若波羅蜜多。一切有情住持  
徧滿甚深理趣勝藏法門。謂一切有情皆如  
來藏。普賢菩薩自體徧故。一切有情皆金剛  
藏。以金剛藏所灌灑故。一切有情皆正法藏。  
一切皆隨正語轉故。一切有情皆妙業藏。一  
切事業加行依故。佛說如是有情住持甚深  
理趣勝藏法已。告金剛手菩薩等言。若有得  
聞如是徧滿般若理趣勝藏法門。信解受持。



讀誦修習則能通達勝藏法性。疾證無上正等菩提。

爾時世尊復依究竟無邊際法如來之相爲諸菩薩宣說般若波羅蜜多究竟住持法義。

平等金剛法門。謂甚深般若波羅蜜多無邊

故。一切如來亦無邊甚深般若波羅蜜多無

際故。一切如來亦無際甚深般若波羅蜜多

一味故。一切法亦一味甚深般若波羅蜜多。



究竟故。一切法亦究竟。佛說如是無邊無際。  
究竟理趣金剛法已。告金剛手菩薩等言。若  
有得聞如是究竟般若理趣金剛法門。信解  
受持。讀誦修習。一切障法皆悉消除。定得如  
來執金剛性。疾證無上正等菩提。

爾時世尊復依徧照如來之相。爲諸菩薩宣  
說般若波羅蜜多。得諸如來祕密法性。及一  
切法無戲論性。大樂金剛不空神呪。金剛法



門。初中後位最勝第一。甚深理趣。無上法門。  
謂大貪等最勝成就。令大菩薩大樂最勝成  
就。大樂最勝成就。令大菩薩一切如來大覺  
最勝成就。一切如來大覺最勝成就。令大菩  
薩降伏一切大魔最勝成就。降伏一切大魔  
最勝成就。令大菩薩普大三界自在最勝成  
就。普大三界自在最勝成就。令大菩薩能無  
遺餘。拔有情界。利益安樂。一切有情畢竟大



樂最勝成就所以者何。乃至生歟。流轉住處。  
有勝智者。齊此常能以無等法。饒益有情。不  
入寂滅。又以般若波羅蜜多。方便善巧。成立  
勝智。善辨一切清淨事業。能令諸有皆得清  
淨。又以貪等調伏世間。普徧恆時。乃至諸有  
皆令清淨。自然調伏。又如蓮華。形色光淨。不  
爲一切穢物所染。如是貪等饒益世間。住過  
有過常不能染。又大貪等能得清淨。大樂大



此下三呪又  
出陀羅尼集

經第三及法

苑珠林第七

十五

擦法苑七鬼

切

罽烏答切

鄰毗必切

陀羅尼集經

毗若多曳

財三界自在常能堅固。饒益有情。爾時如來

卽說神呪。

納慕薄伽筏帝一。盜刺壤波囉弭多曳二。薄

底丁履反。筏擦七葛。羅曳三。罽跋履弭多窶

拏曳四。薩縛咀他揭多跋履布視多曳五。薩

縛咀他揭多奴壤多奴壤多。却壤多曳六。怛

姪他七。盜刺吟一第反。盜刺吟八。莫訶盜刺

吟九。盜刺壤娑娑羯囉十。盜刺壤路迦羯囉



毗談末泥陀  
羅尼集經曰  
毗駄麼尼篇  
海曰泥又上  
奴里切音你  
又去音賦

新羅浙羅陀  
羅尼集經曰  
者羅者羅

十 案駄迦囉毗談末泥二十 悉遞三十 蘇悉遞四十

悉殿都漫薄伽筏底十 薩防伽孫達囉十 薄

底筏擦囉十 益刺娑履多喝悉帝八十 參磨溼

嘑娑羯囉九 勃陀勃陀二十 悉陀悉陀二十 劍

波劍波二十 浙羅浙羅二十 曷邏縛曷邏縛

二十 阿揭車阿揭車二十 薄伽筏底二十 麼

毗濫婆二十 莎訶二十

如是神呪三世諸佛皆共宣說同所護念能



二切陀羅尼  
莫計米閉

集經作迷法

苑作謎

參倉含切音

摩俗作叅又

蘇甘切音三

受持者一切障滅隨心所欲無不成辦疾證

無上正等菩提爾時如來復說神呪

納慕薄伽梵帝一盞刺壤波羅弭多曳二怛

姪他三牟尼達謎四僧揭洛訶達謎五遏奴

揭洛訶達謎六毗目底達謎七薩駄奴揭洛

訶達謎八吠室洛末拏達謎九參漫多奴跋

履後刺四那達謎十寔拏僧揭洛訶達謎十一

薩縛迦羅跋履波刺那達謎二十莎訶三十



如是神呪。是諸佛母。能誦持者。一切罪滅。常  
見諸佛。得宿住智。疾證無上正等菩提。爾時  
如來復說神呪。

納慕薄伽筏帝。一盃刺壤波羅弭多曳。二怛

姪他。三室嚩曳。四室嚩曳。五室嚩曳。六室嚩

曳。細莎訶。八

如是神呪。具大威力。能受持者。業障消除。所  
聞正法。總持不忘。疾證無上正等菩提。爾時



世尊說是呪已。告金剛手菩薩等言。若諸有情於每日旦至心聽誦如是般若波羅蜜多甚深理趣最勝法門。無閒斷者。諸惡業障皆得消滅。諸勝喜樂常現在前。大樂金剛不空神呪現身。必得究竟成滿。一切如來金剛祕密最勝成就。不久當得大執金剛及如來性。若有情類未多佛所植衆善根。久發大願於此般若波羅蜜多甚深理趣最勝法門不能



苑伽此云天  
堂來  
俱胝此云百  
億  
那庾多此云  
萬億  
制多此云可  
供養處

聽聞書寫讀誦供養恭敬思惟修習要多佛  
所殖衆善根久發大願乃能於此甚深理趣  
最勝法門下至聽聞一句一字況能具足讀  
誦受持若諸有情供養恭敬尊重讚歎八十  
苑伽沙等俱胝那庾多佛乃能具足聞此般  
若波羅蜜多甚深理趣若地方處流行此經  
一切天人阿素洛等皆應供養如佛制多有  
置此經在身或手諸天人等皆應禮敬若有



稽堅溪切音  
難留止也

情類受持此經。多俱胝劫得宿住智。常勤精  
進修諸善法。惡魔外道不能稽留。四大天王  
及餘天衆常隨擁衛。未曾暫捨。終不橫死。枉  
遭衰患。諸佛菩薩常共護持。令一切時善增  
惡減。於諸佛土隨願往生。乃至菩提。不墮惡  
趣。諸有情類受持此經。定獲無邊勝利功德。  
我今略說如是少分。時薄伽梵說是經已。金  
剛手等諸大菩薩及餘天衆聞佛所說。皆大



歡喜信受奉行

大般若波羅蜜多經卷第五百七十八

貞享二年歲在乙丑正月穀旦

慈海宋順

校合



洛陽書林

發刺

伊藤次郎兵衛

後傳 北村吉兵衛  
同 村上勘兵衛

皇都

諸宗御經師 橋本太右衛門藏板

諸國弘通所

江戸日本橋

同 芝神明前

同 日本橋三丁目

尾州名古屋本町

大政心斎橋

勢州一身田

橋本 店

須原屋茂兵衛

岡田屋嘉七

山城屋佐兵衛

永樂屋東四郎

敦賀屋彦七





京都弘通所

六角楚屋町

小

川太左衛門

寺町通六角

神

崎宗八


二條通間之町

嶋

林專助











H+K 2

GretagMacbeth™ ColorChecker Color Rendition Chart

15.01.2002